

Islamska zajednica Bošnjaka u Švedskoj - Džemat Stockholm
Džematski odbor
Broj: DO-2023-063
Stockholm, 28.11.2023. godine

Na osnovu člana 10 Pravilnika o radu Džematskog odbora, Džematski odbor Džemata na redovnoj sjednici održanoj 23.11.2023. godine donio je

ODLUKU
o organizovanju foruma za članove Džemata

Član 1.

Džematski odbor organizuje tematsku sjednicu sa članstvom džemata (Forum). Forum će se održati u subotu 16.12.2023. godine sa početkom u 17:00 sati.

Član 2.

Teme Foruma:

1. Struktura džematlija

Džematskom odboru je pristiglo nekoliko žalbi na prekomjeran broj učesnika u džematskim aktivnostima koji ne dolaze sa našeg govornog područja. Na forumu će se pokušati utvrditi tačni razlozi nezadovoljstva i pokušati osmisliti nekoliko prijedloga za rješavanje istih.

2. Smjena generacija u Džemata

Većina naših džemata se suočava sa problemom da je vrlo malo ili nikako mlađe i srednje generacije uključeno u vođenje džemata. Naš Džemat nije izuzetak i zato Džematski odbor želi da se ova tema obradi i prodiskutuje i po mogućnosti osmisli nekoliko prijedloga o tome kako animirati mlađu i srednju generaciju da se uključe u rad džematskih organa, komisija i radnih grupa.

Moderator Foruma će biti Alija Vranjkovina.

Član 3.

Odobrava se do 5.000 kruna za kupovinu kahve, soka, kolača.

Član 4.

Ova Odluka stupa na snagu danom donošenja.

Predsjednik Džematskog odbora

Ibrahim Avdić

Obrazloženje:

Predlagač: Radna grupa Džematskog odbora.

Prema Pravilniku o radu Džematskog odbora, a u cilju dobijanja pozitivnih ideja i prijedloga kao i informisanja, Džematski odbor svake godine organizuje najmanje jednu tematsku sjednicu sa članstvom džemata (Forum).

Džematski odbor je u toku godine dobio određen broj sugestija na različite teme na osnovu kojih je izabrao predložene teme za ovogodišnji forum.